

ZAHARTZAROAN EGIN NAZ JESUSEN LAGUN

Doinua: "Triste bizi naiz eta"

1

Igorretarrak gara
adin haundikoak,
aspaldiko eskola-
neska-mutikoak.
Euskaldun ta fededun
beti-betikoak,
holan zaindu gaizala
gure Jaungoikoak.

2

Ez da lotsagarria
zaharra izatea,
Jaungoikoaren grazi
eta suertea...
Zahartzaroa ez dot nahi
alperrik galtzea,
neure burua landu
eta betetea.

3

Orain arte lehengoan
bizi-izan nazana,
gaurtik aukera daukat
neuk gura dodana.
Ibili, kartak, jolas...
ta gozau ahal dana,
baina ez da bakarrik
hau kristauon lana.

4

Grazi haundia dogu
bizi-luzapena,
hau alperrik galtzea
litzateke pena.
Landu beharra daukat
nire sinismena,
ez daroat alperrik
kristinau izena.

5

Legea betetzea
da usadioa,
hau izan da gaur arte
kristau balioa.
Orain badakit zer dan
Ebanjelioa:
Jesusi jarraitzea
ta amodioa.

6

Jesus hortxe egon da
isil luzaroan,
geugaz egin nahirik
lagun zahartzaroan.
Harrezkero bizi naz
bere anparoan,
ez gizon, ez kristau lez
ez nago paroon.

A. Martzel